

PRIMA

D. LUTHERI
PARENTATIO.

Quà ostenditur :

DONATIONEM CON-
STANTINI MAGNI, CUM DE
Facto, tum de Jure esse nullam, fabulosam,
atque à Pontificiis consistam.

PUBLICÆ IN ILLUSTRI SALANA

BIBLIOTECÆ HABITA, die Concordiæ.
ROMA
CITRIO EMANUEL

A

JOHANNES

HIMMELIO

Pomerano.

JENÆ,

Typis Joh. Vveidneri,

ANNO

1608.

Reverendo & Clarissimo Viro,

Dn. CHRISTOPHORO BUTELIO, S.S.The-
ologiae D. atq; ad S. Nicolaum Sedini in Pome-
rania Pastori vigilantissimo, Fautori meo
magno. S.

Philetam Comm, Vir Reverende atq; Clarissime, Fautor
suspiciente, perhibent macerrimo & levissimo corpore fuisse.
Quoniam igitur quavis acceptione facile subverti poterat, serunt
eum plumbeas habuisse soleas in calcibus, ne a ventis prosterneretur, si
paulo durius eum efflasset. Cujus rei fidem etsi auctori suo liben-
ter relinquo, at tamen Adversarii nostri Pontificii, Phileta Coo non
sunt absimiles. Cum enim causam sui luminis atq; columinis, Pape
videlicet Romani, adeo macilentam adeoq; levem esse animadverte-
rent, ut adversus Zephyros manifesta veritatis suae viribus subsistere
nequirit, sed ita prorsus collaberetur, ut Dagonis idolum coram arca
DOMINI, plumbeas sibi soleas ex sicca atq; ementita Constantini
M. Donatione, applicandas & assuendas esse statuerunt. Verum
enimvero quam irritum & vano plane conatu id ipsum Esauita tentare
ausi fuerint, satu opinor ostender publica haec D. LUTHERI paten-
tatio, quam Tibi, Vir Reverende, Mecenas colende, dicare ac con-
secrare maxime volui, & merito debui, ob singularem tuam benevo-
lentiam atq; affectionem, quam erga me plurimum declarasti hic
IENAE, die post hanc à me habitam parentationem altero, cum
Tubingam tenderes gradum in Theologia nostra summum petiturum:
de quo quam ex animo tibi graulor, hoc ipso quasi quali synbolo
testatam reddere volui. Accipe igitur, Vir Clarissime, hanc qua-
lencumq; grati mei animi testificationem benevole, amicitiamq; no-
stram inperitum contractam, illibatam & saram relictam serva atq;
conserva. Vale, studiūq; meū save. Dabam IENAE ex Museo
meo, anno 1608. die Gregori.

T. Excellent.

Observantissimus

Johan. Himmelius Pomeranus.

DECANVS COLLEGIIPHI-
LOSOPHICI IN ACADEMIA
JENENSI L. S.



QVOD SEMPER EADEM IN-
ter homines agatur fabula tantum
mutatis personis, id verò, præter alia,
collatio populi Israëlitici nostris cum
Ecclesiis, & hac effoetâ cuni mundi
senectâ manifestò demonstrat. Israël-
ita per annos quadringentos in Ægy-
pto durissimâ premebantur servitute, & non tantum
labores sustinere gravissimos, sed etiam filiorum re-
cepsuorum, quos regii ministri aquis mergebant,
interitum coram spectare non sine acerbissimâ dolo-
ris sensû cgebantur. Tum verò cum hujus servitu-
tis jugum, DEO auspice, & Duce Moyse, vix agrè
tandem excussissent: annos 40. per Arabia solitudi-
nes oberrabant, & ea subibant mala, quæ iam præ-
stat tilere, quàm paucis velle attingere: donec tan-
dem hostes debellarent suos, & Palæstinâ jam occu-
pata certas erum & fortunarum suarum sedes sorti-
rentur. Et tanti quidem beneficii memores erant
Isrâelita, & veræ pietati dabant operam, quoad in-
vivis essent Josua, & ceteri Seniores, qui servitutis
Aegyptiæ molestias ipsi degustaverant, & coram
oculis usurparant illa stupenda miracula, quibus non
tantum Nili accolæ perculerat DEUS, sed insuper
omnem propè terrarum orbem tremefecerat.

At verò cum & hi ipsi tandem fato concessissent: Juniores illos, qui dulci fortunâ jam erant ebrii, neque suam concoquere felicitatem poterant, servitutis Aegyptiæ, & omnium, quæ majores hauserant calamitatum, vesana quædam cepit oblivio, & pudendam ad impietatem, & idolomaniam præcipientes egit: quâ ingratitudine sibi, & posteris suis funestissimas attraxere pœnas, & sæpissimè jacturam restitutæ libertatis fecere. Jam itaque confer mihi ad curriculum populi Israëlitiçi nostrâ simul & majorum nostrorum tempora, nec lac lacti, aut ovum ovo similis esse dices. Per annos quingentos Ecclesiâ, sub Tyrannide Pontificia tam miserabilem pertulit servitutem, & animarum, quas ille filius perditionis omni exutas solatio commentitiis operum meritis ad desperationem adigebat: & fortunarum, quas mille modis illa diripiebat Harpyiâ, & in obscœni ventris gurgitem denergebat: & ipsorum quoque corporum, quorum infinitas strages ille lanuista sanguinariis committens inter se bellis intestinis principes orbis Christiani edebat: ut nullius unquam nationis etiam in ipsâ, quæ bonam partem miseros & infelices alit homines Africa deterior & luctuosior fuerit conditio, quàm Ecclesiæ sub dominatu Pontificis Romani, qui servus servorum dici cum velit, nihilo tamen minus summos Imperatores & Reges, podagrosis & putidis emplastrorum fœtore pedibus conculcare non veretur.

Tandem misertus nostri DEUS, hanc à nobis servitutem ministerio Divi Lutheri (nec enim ut Vvaldensium, & Johannis Husii jam mentio fiat, opus est) depellere cœpit, & veram in libertatem nos
asse-

afferere, non tamen sine maximis difficultatibus,
 quas spiritus ille mendax & homicida renascenti ve-
 ritati, partim lupos rapaces, partim astutas vulpecu-
 las in Domini vineam immittens, objiciebat. Hanc
 DEI misericordiam, & præsentiam, gratâ mente,
 agnovêre, qui Lutheri $\sigma\upsilon\gamma\gamma\epsilon\sigma\tau\omicron\iota$ & discipuli fuerunt,
 quorum non paucos ad usque nostra vixisse tempora
 constat. Jam verò nostris hominibus, & quidem
 non plebeis tantum, sed etiam illis, qui supercilio
 suo, Ecclesiæ & Reipublicæ salutem ut Athlante cœ-
 lum niti putant, paulatim obrepit turpissima oblivio
 omnium & malorum, quæ Patres nostri perpeSSI sunt,
 & beneficiorum, quæ in nos largâ manu contulit
 DEUS, adcò quidem, ut errores Pontificios leve,
 quiddam & perfunctorium esse dicant, & quicum
 doctrinæ cœlestis veritate in gratiam redigi facile
 possint: tum verò gravissimorum onerum, sub qui-
 bus nostri defecere majores, ne verbulo quidem me-
 minerint amplius, sed tantum illud passim jaçant:
 Pontificios planè jam alios esse viros, quàm fuerint
 olim, nec quicquam ab iis periculi metuendum: tan-
 tam ipsorum esse liberalitatem in pollicendo, huma-
 nitatem in convictu, gravitatem in moribus, & de-
 nique sanctimoniam in omni vita. Homines verò
 plus quàm $\mu\omicron\sigma\theta\sigma\tau\omicron\phi\omicron\iota$, qui non vident, pilos quidem
 mutare vulpeculam, sed animum non mutare: &
 spiritum illum tenebrarum in angelum lucis se trans-
 formare posse. Hæc igitur oblivio & ingratitude
 quorsum evasura sit, nisi maturè evigilaverimus,
 omnes cordati jam dum animis præcipiunt sens, &
 non sine tristissimo metu commentantur. Aut ex-
 cutiendus est ille, veternus, aut brevi depositum

D. Lutheri perdemus, & instar canum ad vomitus
 Pontificios, sed magno cum malo redibimus. Quæ
 cum ita sint: non tantum approbationem bonorum
 omnium, sed etiam laudem maximam illi merentur,
 qui toto pectore hanc in rem incumbunt: ut memo-
 riam servitutis Pontificiæ, & liberationis divinæ sub-
 inde refricent, & omnem ad posteritatem, quantum
 est in ipsis, transmittant: licet passim inter nascitos
 quosdam & argutos Aristarchos malè audiant, &
 nescio cujus *φθονίας*, incivilitatis, & rebellionis in-
 simulentur. Hanc in societatem cum velut in equum
 Trojanum includi cuperet, *Ornatiss. & Doctissimus Ju-*
venis Dn. JOHANNES HIMMELIUS POMERA-
NIUS, S. S. Theol. Studiosus: constituit deinceps singu-
 lis annis, siquidem se vivum & saluum DEUS esse vo-
 luerit, Divi Lutheri parentalia redintegrare die 13.
 Feb. quo Vir ille maximus, & sanctissimus beatam ef-
 flavit animam, & ad politevma, quod habemus in cœ-
 lis, emigravit. Hanc verò telam suam exordietur *ad*
diem jovis hora 9. promeridiana, loco proœmii oratio-
 nem primam, DE FICTA ET EMENTITA
 CONSTANTINI DONATIONE, quâ totius
 occidentis imperium cum urbe Roma sibi obvenisse
 Pontifices, non tamen sine hæsitacione & rubore,
 mentiuntur: recitaturus: quam ad panegyrim ut qui
 Lutheranae sinceritatis Studiosi sunt, frequentes con-
 veniant, & benevolas dicenti præbeant aures, horta-
 mur. Veteres dixere, nihil citius senescere, quàm be-
 neficium & gratiam: quod tamen ne & in nos ipsos
 inquiri possit tempore, unicè cavebimus. Est n.
 titido ad plus dandum invitatio, & non recedet
 præna à domo ingrati: quod utinam auditione potius
 & lectione disceremus, quam ipsa experientia. P. P.
 die 9. Febr. A. O. R. 1608,



DEO SACRUM.



IEM HODIERNUM, SPE-
tabilis Dn. Docane, Viri Re-
verendi, Consultissimi, Clarissimi, Prae-
ceptores ac fautores honorandi, colendi :
Et vos nobilissimi, lectissimi atq; doctissi-
mi Dn. Commilitones, diem, inquam, ho-
diernum Fatalem ne & tristem, num ve-
rò Natalem ac letum nuncupem, animi pendeo. Fatalem
quidem eum agnosco toties, quoties non sine interioris animi
singultu recorder, qui hoc ipso die ante annos 62. Patris con-
cesserit, atq; ex hac vita mortali discesserit, Curvus ac auriga
noster, & corona Capitis nostri AEGALANDE RLVTHE-
RVS. Natalem verò eundem agnosco toties, quoties
memoriâ mecum altius volvo atque revalvo, quomodo
hoc ipso itidem die ante annos 28. in lucem editus fue-
rit Liber Ecclesiae nostrae Symbolicus, FORMVLA vi-
delicet Christiana CONCORDIAE. De Constante,
Constantini Magni parente, commemorant Scriptores Eccle-
siastici, & nominatim Nicephorus. l. 7. Hist. Eccl. c. 19. quod
in lecto affixus, ac morti jam jam vicinus, astantes his affa-
tus fuerit verbiis: Nunc mihi mors vitâ ipsâ dulcior est
futura: nunc optatus adest obitus. Teneo siquidem maxi-
mum Epitaphium, sepulchraleq; monumentum, meum filium.
Et quod in terris Imperatorem relinquo, qui DEO bene ju-
vante, Christianorum lacrymas absterfus, & patratam ab
impiis tyrannis crudelitatem vindicaturus est: id ego summe
mihi

mibi felicitatis loco esse duco. Hac de Constante Niccph. Idem jure optimo de nostro communi Parente LVTHERO verè Constante dicere possumus. Licet enim & is ipse hoc die ante aliquot annos vitâ functus sit, mors tamen LVTHERO nostro vitâ ipsâ dulcior fuit, eo potissimum nomine, quod post se reliquerit Epitaphium longè maximum, scripta videlicet luculenta, & nil nisi divinam sapientiam spirantia, & filium non tantum unicum, sed multos Constantinos sibi longè carissimos, suos scilicet γυναικὸς καὶ ἀνδρῶν discipulos, doctrina Lutherana assertores ac vindices acerrimos, inter quos haud postremis sed inter præcipuos primi fuere, Authores Libri Concordia, qui anno 34. post obitum Lutheri hoc ipso die quo D. Lutherus ultimum vale mundo cecinerat, satis masculè atq; animosè crudelitatem atq; impietatem Tyrannorum represserunt, & blasphemam ac impiam Adversariorum nostrorum doctrinam confutârunt. Diem itaq; hodiernum nec Natalem, nec Fatalem, sed preciosum potius nuncupabo, tum ob mortem Constantis nostri LVTHERI, qua, ut piorum omnium, preciosa fuit in conspectu Domini: tum ob preciosum thesaurum, quem Authores Libri Concordia hoc ipso die toti Christiano orbi donârunt atq; exhibuerunt. At quàm preciosa dies hæce in oculis Domini atq; omnium piorum, tam vilis atq; exosa in oculis Diaboli ac omnium hæreticorum cumprimis verò rasorum Pontificiorum: male siquidem illos habet, quod is, qui hoc ipso die ex hac vita in Patriam Cælestem migravit, ausus fuerit masculè ac animosè sese opponere Numini atq; Columni Pontificio, ac PAPAM ROMANVM proprio & vero indigitare nomine, illumq; ANTICHRISTVM nominare: Ad quod effatum Esauita obstupescunt & attoniti redduntur non aliter, ac Diabolus obstupuit & obmutuit ad citata à CHRISTO ex Codice S. Testimonia. Verùm enim verò, quanto conatus
majori

majori Antichristi nomen declinare atq; à se amolari student Pontifici, tanto studio ferventiori, nobis, qui veri, genuini & constanter, constantis nostri LUTHERI discipuli esse & nominari volumus, eò incumbendum est, ut quod LUTHERUS Suoster verè semel asseruit, nos etiam semper intrepide ac constanter defendamus, quò ita sanctum Sancti LUTHERI nostri depositum sacrum tectum & apud nos revineatur, & ad seros posteros nostros reservetur ac transmittatur. Quapropter & mihi, qui me minimum inter Lutheri discipulos lubens profiteor, dies hodiernus quotannis posthac erit sacer, in quo ordine, modò DEVS mihi vitam viresq; concesserit, demonstraturus sum, notas & tempera qua de Antichristo SCRIPTURA S. dicit & praedicat, nemini alteri competere & convenire, quàm PONTIFICI ROMANO, ac proinde jure meritoq; LUTHERVM Papam Romanum nominasse Antichristum. Quoniam vero omnis Antichristiana vis, ac Tyrannus Romani Pontificis, tanquam basi & fulcro unice nititur & sustentatur Donatione Constantini Magni, quàm Romanenses fingunt, Constantinum M. totius occidentis imperium cum urbe Roma, & Iurisdictionem tum Ecclesiasticam tum Politicam absolutam, atq; omnibus legib. solutam, Papa Sylvestro donasse, ideoq; opera precium me facturum existimavi, si initio prodromi ac felicitis auspicii loco, hoc ipso die, fundamentum istud arenosum & lubricum, destruerem atq; everterem, reliquis, ad annos infuquentes, ubi ubi me DEVS esse & vivere voluerit, reservatis.

— Ea propter hac vice ostendam, Donationem à Constantino Magno nunquam fuisse factam, sed à Pontificiis & sedis Pontificiae gnathonibus non sine majori fraude quàm laude confictam, ac in cerebro Pontificum Romanorum natam & prognatam.

Hoc dum facio, oro vos omnes, quā possum, quāq; par
est animi summissione atq; benevolentia, ut mihi aures faciles
atq; benignas prabere haud gravemini. Cum primis verò lu-
ris Candidatos amicè rogatos cupio, ut, si quadam ex Iure Ci-
vili, re ipsa ita exigente ac postulante, mutuatus fuero, id me
non ex *πολυπράγματος* aut temeritate quadam, sed rei
necessitate facere, omnino existiment. Ego vicissim in simili
officiorum genere cuilibet vestrum me promtum ac paratum
offero & consacro.

Iud. 16,
85.

Theatrum, in quo Philistini Principes & populus ma-
gno numero congregati, Samsonem oculis orbatum
spectarunt ludentem, duabus columnis nitebatur, quas
cum Samson robore à Domino impetrato subvertisset, totum
corruit aedificium, & universam spectatorum multitudinem
oppressit. Sedes Antichristi Rom. Auditores, & Monarchicus
ille, quem sibi nefarie arrogat, rapit, & usurpat Papa, pri-
matu item & principatu in omnes Imperatores, Reges,
Principes, Episcopos, & totum Ecclesiasticum, Politicum atq;
Oeconomicum ordinem, duabus itidem columnis, furtim ali-
unde detractis, nititur, Constantini videlicet donatio-
ne, & Petri successionē.

Esauita enim, ita me DEVS amet, Philistinos Princi-
pes fraudulentia & nequitia ad unguem representant: Nam
ut illi Samsonem ex oculatum ludibrio habent, de Columnis
sua domus nihil prorsus solliciti; ita hi caelestem Samsonem,
ipsum I.C. quantum in illis est, suarum sophisticationum ne-
bulis & fumis exoculare, Christi fideles prorsus excacare co-
nantur, dum Papalē eminentia theatrum duabus modò com-
memoratis & per vim atq; fraudem subtrahis & substratis
columnis imponunt. Quod si enim queras ex Pontificio,
unde hanc Papa habeat potestatem, ut ipsi (Bonifa. 8. in Ex-
tra v. una

trav. una sancta) Omnis creatura humana subsit, idq. de ne-
 cessitate salutis. Quod omnia sint sub pedibus ipsius, juxta
 Psalm. 8. Oves, hoc est, anima fidelium, boves, h. est, Iudai,
 pecora campi, hoc est, Ethnici, volucres Cali, hoc est, Sancti
 cum Christo regnantes, & pisces maris, hoc est, anima defun- C. inter
 ctorum. Quod Papa aqua facit, faciat ut DEVS, non ut incorp. de
 hamo. Quod possit contra Apostolos dispensare, & contra translat.
 Canones Apostolorum, & contra Epistolas Pauli aliquid sta- pralat.
 tuere. Quod supra jus, contra jus, & extra jus omnia 38. Diff.
 possit. Quod nemini mortalium reverentiam debeat. Quod C. Elect.
 omnes mortales, cujuscunq. sint dignitatis & praeinentia, Bald.
 cum primum in conspectum Papa veniunt, distantibus spaciis Autor. Ce.
 ter debeant ante illum genu flectere, & ejus pedes exosculari. remo. l. 3.
 Sect. 1.

Quod Caesar ut primum videt Papam, detecto capite, Aut. Cer.
 illum genu terra tangens venerari, & iterum cum appropin- l. 3. f. 7. 5.
 quat ad gradus sedis Papa, genu flectere, & Papa pedes oscu-
 lari teneatur. Quod Caesar tenere Siapham debeat, quoad l. 1. Cer.
 Papa equum ascenderit, & accepto equi freno per aliquot pas- tit. 2.
 sus ducere equum. Quod si Papa non equo sed sella vehere-
 tur, tum Imperator vel Rex si adsunt, ipsam sellam suis hume-
 ris portare teneantur. Quod Imperator vel Rex Roma- l. 1. Cer.
 norum in convivio aquam Papa praeberet ad lotionem manu- Sect. 3.
 um, & primum ferculum ad mensam portare debeat. Hac & C. de so-
 hujus generis sexcenta alia si quaras quo jure, & ex cujus in- lenni con-
 dultu sibi Papa arroget, ibi statim confugiunt Pontificii partim virio Pa.
 ad Constantini Mag. Donationem, partim ad eminentiam Pe- pa.
 tri Successionem: Hac sunt duo illa egregia & firma (scilicet!)
 fundamenta & fulcra, quibus totus Pontificatus & Papo-
 Casaria innititur. At, duo hac fulcra ita meherclè sunt com-
 parata, ut simul subsistere haudquaquam possint, sed unum al-
 terum funditus enervet atq. prorsus evertat. Etenim si
 Papa suam absolutam potestatem & jurisdictionem tam Eccle-
 siasticam

fiasticam quàm Politicam habet à Petro, vel ex Petri successione, quomodo quæso illam demum habebit a Constantino, vel ex ejusdem donatione, utpote qui aliquot secula post B. Petrum vixit? Est enim vulgata Iuris regula quæ docet, idem ex pluribus causis non posse esse nostrum, præsertim in causis diverso tempore concurrentibus. Et ratio: quia si dominium acquisitum fuit ex una causa, ulterius ex alia acquiri non potest: Et quod meum est, uberius meum efficere non potest. Hinc est lex in Codic. quæ ita habet: Rei suæ acquisitio nulla est. Et Imperat. ait. l. 4. Instit. tit. 6. §. 14: Nec res quæ jam alicuius est, magis ejus fieri potest. Quapropter quoniam Pontificii ad Donationem Constantini confugunt, manifeste sese tanquam sorices, prozunt, quod potestatem hanc absolutam non à Petro multo minus à Christo habeant, & quod tantum dicis gratiâ prætendant & prætexant successionem Petri, & sic fulcrum primum labascit, ac funditus corrui. SED videamus alterum etiam fulcrum ac stabilimentum sedis Pontificiæ, Donationem videlicet Constantini Magni (quæ Imperator Roma. electus anno Christi 310.) quem donasse Sylvestro Papa urbem Romanam & occidentale imperium scribunt. Instrumenti Donationis hujus summa hæc est: Imperator Constanti. Christianorum hostis, lepræ morbo affectus, in somno à Petro & Paulo Apostolis admonitus, ut se Sylvestro Papa Romano purgandum traderet, confestim ab illo baptizatus atq; sanatus, tanti beneficii remunerandi causâ donavit eidem Sylvestro, ejusq; successoribus urbem Romanam, totumq; Occidentis imperium, simul Coronam suam auream, & sceptrum, & reliqua imperatoria insignia, ut majorem dignitatem Papa Roma. haberet, quam ipse Imperator. Simul imprecatur suis successoribus usq; ad finem mundi, conremationem in inferno inferiore, cum Diabolo & impiis, nisi eam donationem ratam habeant, & observent. Datum Roma 3. Kal. April.

Infirm.

Instrumentum hoc in Bibliotheca Papæ, Græcâ linguâ scriptum esse affirmant Barthol. Picernus, & Augusti. Steuchus, qui etiam Latine ab se conversum ediderunt. Donationem verè hanc esse plandè nullam PRIMO de Facto: DEINDE de IVRE ita ostendo.

De FACTO nulla est, PRIMO ob Testimoniū nullitatem. Etenim nullum, nullum inquam, possunt Pontificiū proferre testem idoneum, qui hujus Donationis vel verbulo mentionem fecerit. Manus igitur nostræ sunt oculatæ & credunt quod vident: Nec Picerno vel Steucho hac ita nudè asseverantibus fidem ullam habemus, siquid hoc non infrequens sed solenne est sedis Pontificiæ Gnathoniōis ac Parasitastri, ut in gratiam Pontificis Rom. idoli sui, mentiri & fallere nihil quicquam erubescant, adeò ut non immeritò talis Pontificiū Gnatho illud Plautinum symboli loco usurpare possit: Si mendacium dixerō, solens meo more fecerō. Eusebius certè scripsit ex professo libros 5. integros de vita Constantini Magni, & tamen hujus Donationis ne unico quidem verbulo meminit: quomodo quaso hujus tam magnificæ & splendide Donationis, si vera esset, mentionem non injiceret, sed tam honorificum munus silentio involveret? Hinc Hieron. Pau. Cathalanus Canonicus Barcinocensis, I. V. D. ac Cubicularius Alexandri 6. Pontificis Max. in libello quem vocant practicam Cancellariæ Apostolicæ, sic scribit: Quod DONATIO CONSTANTINI etiam de facto non fuerit, lege Laurent. Vallam, & Papam Pium in dialogo. Nec de tali donatione quicquam legi apud prolatum historicum, præsertim eos qui scripserunt illa ætate, vel illi proxima. Nam nec Eusebius, qui fuit diligentissimus scrutator & narrator rerum Christianarum, meminit, quod tamen nullo modo videbatur omittendum: nec Hieron. Augusti. Ambros. Basil. Ioan. Chrysost. nec Ammianus, nec Hist. Tripart. nec ipse Damasus

Papain suis Chronicis, nec Beda, nec Orosius meminerunt.

At proferunt Pontificii testimonium ex Iure Canonico
petitum, & quidem C. Constantinus. Quod habetur Dist. 96.
quodq. ita sonat: Constantinus Imperator Coronam, & omnem
regiam dignitatem in urbe Romana, & in Italia, & in par-
tibus occidentalibus Apostolico concessit. Nam ingestis B.
Sylvestri (qua beatus Papa Gelasius in Concilio LXX. Episco-
porum à Catholicis legi commemorat, & pro antiquo usu mul-
tas hoc imitari dicit Ecclesias) ita legitur. Hoc est Capitu-
lum illud, in quo tripudiant, quod in ore semper habent atq.
ingeminant Pontificis, non aliter ac sigemnam in scrore in-
venissent. SED non jam hic multis agam de autoritate Iuris
Canonici, neq. de palpabilibus & manifestis ejusdem contra-
dictionibus, neq. de nonnullis aperte blasphemis Decretis, ne
videar θύον φυλάττω, forsàn alibi hac de re uberius dabitur
ocasio differendi; neq. agam hic an testimonium ex Iure
Cano. petitum huc adduci queat, cum agatur de potestate Pon-
tificum Roma. Iuris Cano. autorum, cum nemo possit esse
testis in propria causa. Hoc saltem noto, Romanenses videlicet
manifestum crimen falsi commississe, capitulum hoc in jus Cano.
insarciendo atq. supponendo. Canonem enim hunc esse suppo-
sitivum & planè fictitium testantur exemplaria vetustiora, in
quibus Canon hicce omnino non habetur, id quod vel inde faciliè
collectu est, quoniam P A L E A inscribitur, ut Πρωτοφῶν in re-
centioribus exemplaribus manifestè ostendit.

Deinde multis haud ignobiles Pontificii aperte fatentur
hunc Canonem non esse genuinum sed suppositivum: Complures
enim Papalis dominatus patroni testantur totum illud caput
à Gratiani Decreti Codicibus abesse. Hinc Antoni. Florenti-
nus Episcopus part. 1. histor. tit. 8. c. 2. §. 8. ait. Tertium
dubium est de donatione facta Ecclesia à Constantino, de qua
habetur in Decretis, distinct. 96. Constantinus. Sed caput
illud

illud non habetur in antiquis Decretis. Quid ergò & quantum Constantinus donavit, non est bene certum. Nicol. Cusa. l. 3. c. 2. de concordantia Catholica: Absq̃ dubio, inquit, si non fuisset illud dictamen apocryphum, Gratianus in veteribus Codicibus, & Canonum Collectionibus invenisset, & quia non invenit, non posuit. Ita & quamplurimi alii Pontificii Donationem hanc falsitatis arguunt, ut Laurent. Valla in peculiari libello de falsa Constanti. donatione. Bodi. l. 1. de Repub. cap. 9. Albert. Krantzius in Saxo. l. 2. c. 1. Alciatus lib. 7. parerg. c. 19. Ferd. Vasquius Hispan. l. 1. illust. quest. cap. 5. VLRICHVS HVTTENVVS in prafat. libelli Laurent. Valla, contra efficiam Constanti donat. ad Leo. X. ait: De Constantino mentiti sunt illi pseudopontificii, qui occidentis imperium cum urbe Romae gentium domina, concessum ab hoc sibi contenderunt. Quorum in hoc potissimum audaciam miror, quod veriti non sunt id affirmare, quod crediturum neminem scirent: Sed Germanis persuasuros se putabant, utpote quos cerebrum non habere fama est, atq̃ igitur ingenio usi non sunt. Et memorabile est quod AENEAS SYLVIVS (is qui postea Papatum adeptus, dictus est PAPA PIUS) in dialogo quodam illos stolidos Legistas appellat, qui tantopere sudarint in disputando, ut ea donatio valeat, quae facta est nunquam. Ac Bodinus meminit, quod ipsemet ex actis Vaticanis hauserit & expresserit, Iohannem scilicet cognomento digitorum, Constantini Magni largitionem aureis literis scripsisse, in cuius extremo haec verba subscribuntur: Quam fabulam longi temporis mendacium finxit.

Deniq̃, C. hoc Constantinus esse fabulosum & figmentum Pontificium, probari potest ex Iure Civili quod magnam partem ipsemet verus Imperator Constantinus conscripsit. Regula enim juris 1. 8. ita habet: ubi pugnancia inter se in testamento jubentur, neutrum ratum est. Et habetur lex in Codice
quā

1. Scriptu- quā Imperator sancit: Scripturas diversas, & fidem sibi in-
ra. 14. C. vicem derogantes, nihil habere firmitatis. Item: Allegan-
de fide In- tem contraria non audiri. At in causa hujus donationis ipse
strum. Papa contraria allegat. Nam dicto C. Constanti. dicitur do-
1. 1. C. De natio facta Sylvestro. Verum C. Futuram. 12. q. 1. Nictchi-
jur. ades Papa, qui ante Sylvestrum papalem sedem obtinuit, et-
jam ejus donationis, à Constanti. facta mentionem facit, di-
citq; dictum Constanti. Ecclesia donaria immensa contulisse,
sedemq; Imperialem reliquisse, & B. Petro, successoribusq;
profuturam concessisse. Volateranus a. l. 3. ex Bibliotheca
Vaticana instrumentam profert, unde apparet, non à Constanti-
no, sed à Ludovico Imperat. non Sylvestro, sed Paschali
Papa illam donationem factam esse. Ex qua instrumento-
rum repugnantia & contrarietate vel cecus palpare posset,
neutrum ratum aut firmum esse, ideoq; tanquam vana signimen-
ta non debere audiri.

DE INDE donationem hanc ipso facto nullam esse
patet ex Instrumenti futilitate: Siquidem totum illud in-
strumentum non nisi metras à v. Noxias, aniles fabulas, aperta
mendacia, atq; absurda absurdissima, continet, præcipua hic
perstringam.

I. Fingit Instrumentum, Constantinum At. fuisse
hostem Christianorum: at certè ipsum non hostem sed Chri-
stianorum defensorem ac propugnatorem fuisse acerrim-
um, testatur universa historia Ecclesiastica, & Scripto-
res Ecclesiastici ad unum omnes mirificè laudant Constanti-
M. eo potissimum nomine, quod aliis Tyrannis atq; Ecclesia
persecutoribus sese mascule ac animosè opposuerit, & quod la-
Hist. Trip. chrymas Christianorum (quemadmodum etiam parens morti
l. 1. cap. 9. vicinus ipsi prædixerat, sicuti supra ex Niceph. audivimus)
absterferit, & patriatam ab impiis Tyrannis crudelitatem vin-
dicarit, unde dimicaturus contra Tyrannum Maxentium in
cælo

calo supra solem signum crucis, è luce constructum, ac Scripturam additam vidit, hanc nimirum: IN HOC VINCE. teste Euseb. l. 1. de vita Constanti. Niceph. l. 7. c. 29. & Euseb. l. 1. de vita Consti. c. 4. ait: Inter Imperatores solus Constanti, apud omnes omnium sermone ac fama maxima cum amplitudine celebratus fuit: qui Deum, quem ipse coluit, ad hæc gentes inq̃ magnifica & verè regia voce, liberè & ingenuè omnino prædicauit.

II. Communiſcitur Instrumentum fictitium, Constanti. M. fuisse leprâ infectum: At neq̃ hujus rei ullus Historicorum meminist. Zosimus, qui religionis odio Constantinum quibus potest contumeliis exagitat, silentio certè morbum hunc factum atq̃ abominabilem nunquam involuisset. Adde quod Plinius l. 21. c. 1. testetur, genus hoc morbi suo tempore in Italia jam pridem restinctum fuisse. Si igitur Plinij tempore jam erat extinctus in Italia hic morbus, non est verisimile, Constantinum eo laborasse, qui post longum tempus imperauit. Certè hoc argumento ipse Platina scriptor Pontificius probat fabulosum esse, quod de Constanti. traditur, incidisse eum in lepram. De hac enim re (Platina verba sunt) à nullo scriptorum mentio fit, non dico ab his qui Ethnici sunt habiti, sed ne à nostris quidem. Non reticuiſſet hoc Oroſius, non Eutropius, non illi, qui Constantini res gestas quam diligentissime scripsere. Hac Platina.

III. Illud quod de apparitione Petri & Pauli, Constantino facta, Instrumentum meminit, non tantum esse fabulosum, sed etiam expresso diuino verbo contrarium (quod docet Antichristum venturum, secundum operationem Satana, cum signis & prodigiis mendacibus) non esset operosum ostendere, nisi tadioſum foret audire. Nos visionem hanc relegamus ad illas, quas numero plures, sed pondere non grauior, habet Liber Conformitatum, de quibus visionibus & phantasticis speculationibus quid sit sentiendū, alibi diximus.

IV. Baptizatum fuisse Constanti. M. non initio sui regni, ut Instrumentum fabulatur, sed paulo ante obitum, & quidem in decrepita senectute tradunt omnes Historia Ecclesiastica scriptores, cum primis Euseb. l. 1. de vita Constanti. Causam vero quare Constanti. Baptismum distulerit usq. ad annum 65. in quo & mortuus, reddit hanc Theodoretus in Histor. Tripart. l. 3. c. 12. siue ult. his verbis: Constantinus cum Nicomedia degeret, languore gravatus, nec ignorans vita huius diem esse incertum, gratiam S. Baptismatis est adeptus. Distulerat enim usq. ad illud tempus, in Iordanē (quippe in quo Christus baptizatus erat) fluvio hoc promereri desiderans. Hoc Constantini propositum licet superstitione non caruerit, (qualibet enim aqua ad Baptismum idonea est) inde tamen lucē meridiana clarius apparet, Constantinum M. non initio sui regni fuisse baptizatum, sed ultimo temporis articulo, & non Roma sed Nicomedia, nec à Sylvestro Papa, sed ab Episcopo Nicodemensi Eusebio, nequissimo Arriano. Interim tamen Imperator Constanti. Arrianismum nunquam amplexus fuit, aut à Synodo Nicana animo recessit, sed à pessimo veteratore Eusebio persuasus fuerat, Arium idem sensisse quod Concilium Nicanum, quod ere. alibi fusiis agitur. Accedit, quod plane inconsultus fuisset Papa Sylvester ejusdemq. Diaconi, si Constantino Christianorum ac praesertim hosti Ecclesiae Roma. tam repenti post suum illi narratum somnium, baptismum conferre voluissent, ac non prius ei Christianae religionis mysteria, Catechumenorum more instituta, tradere. Nec movemur quicquam testimonio Niceph. affirmantis l. 7. c. 35. Constant. Roma baptizatum fuisse, hac n. in parte Nicephoro fidem habere nequaquam possumus, praesertim cum alii Scriptores probati, expresse contrarium asserant, & ratio ipsa reclamet; sed cui non est notum Nicephorum multa alia ejusmodi fabulosa suis immiscere scriptis?

V. Reclamat huic Instrumento ipse Constantinus. Summo enim consensu tradunt Euseb. l. 4. de vita Constant. Histor. Trip. 1. 3. c. ult. Constantinum per exiguo ante obitum tempore, hanc Imperii sui divisionem inter filios suos fecisse, ut natu maximo Occidentem, secundo Orientem, tertio interjectam regionem assignaret: Vnde non tantum Italia, verum etiam urbis Roma imperium, penes Constantini successores permansit; secundum Instrumentum autem Constantinus primus se ipsū execratione fini Instrumenti addita, induisset: id quod absonum atq. absurdum.

VI. Cum Ecclesia Arii hæresi concuteretur, indixit Conveniunt Episcoporum Nicea Bithynia, ipse Constantinus M. testibus omnibus Historicis. At si Papa tum fuisset Monarcha, non Imperator sed Papa conventum indixisset. In eo conventu statutum est, ne, quem aliquis Episcopus de Ecclesia expulerit, sive Clericum sive Laicum, suscipiat alius. Cano. 5. Sed huic ipsi regula in primitiva Ecclesia etiam obligatus fuit Papa. Nam cum Marcion Romam confugeret, ut per Romanos à Banno paterno absolveretur, responsum tulit, hoc sine consensu patris suis fieri non posse, teste Epipha. in hære. Marc.

At si Papa potuisset omnes homines judicare, & ab aliis ligatos solvere, potuisset etiam Marcionem absq. consensu paterno absolvere.

VII. Si Constantinus occidentale imperium concessit & reliquit Papa, necesse est ab eo tempore Senatū Romæ & alios Principes Papa obtemperasse, & huic juramento fuisse obligatos. At posterius hoc esse falsum, pluribus probat Si brandus Liberius l. 6. de Pontifi. Roma. cap. 1. & 2.

Es supra citatus Paul. Alex. VI. cubicularius ait ibid. Constat. per plures quam 300. annos post Constantinum, Imperatores tenuisse gubernacula urbis & Italia per duces, praesidos, & exarchos, & urbis Roman. usq. ad tempora Innocentii. ut patet aperte in Chronicis & Historiis, & de Iustiniano patet. l. 1. & 2. de offic. prae. & in Proamio Instit. Et in Epist. inter Claras. ibi, nostrum firmat imperium. Et in vita Phoca Imperatoris, legitur impetrasse Pantheon Bonifacium Papam ab eo. Quin ipsi Papa, quibus frequenter ob potentiam & superioritatem cum aliis Episcopis gravissima certamina fuerunt, Imperatoris huius privilegium, in suo jure persequendo, obliti non fuissent, sed ad illud provocassent, tanquam solidum causa sua fundamentum, si illi notum, & non a posterioribus demum confectum fuisset.

VIII. Lectus jucundum est, quod recitat Camerarius in subeiff. cap. 61. Venetos ante aliquos annos à Roma. Pontifice, postquam Anconam in suam potestatem redegressi, interpellatos fuisse, quo jure vectigalia & alias jurisdictiones in mari Adriatico sibi solus vendicarent, cum in. nulla privilegia hac de re monstrare, nec jus suum docere legitime possent? Ad hanc rem Venetos respondisse, & quidem argute, se mirari, quod ista privilegia peterent demonstrari, quia Pontifices ipsi penes se, & quidem archetypa, tanquam rem sacram diligentissime in suis archivis custodirent. eaq. facile reperiri posse, si Donationis Constantini membrana pars exterior, in qua majusculis literis conscripta essent, accuratius inspicerentur.

*IX. Deniq. et quis tam imperitus Latina lingua (inquit Fulmen Brut. p. 118.) qui non videat, genus dicendi, quo illius instrumenti scriptor est usus, longissime ab illius seculi consuetudine abhorre? Quam reprehensionis partem Platina in illo Sylvestro non pratermisit, & fusius persecutus est vir acerrimo in hoc genere judicio Laurent. Valla, cui nunc
hoc*

hoc subjungemus: Si quis genus dicendi consideret, quo Constantini leges in Theodosiano & Iustiniano Codice scriptae sunt, eum nullo negotio animadvertitur, instrumentum hoc ex illa produsse officina, unde conformitates Franciscana & Dominicana. Neq; verò silentio praetereunda est Papa cujusdam recentioris (Leonis, ut videtur decimi) calliditas planè veteratoria, qui, ut vitium istud Orationis ac Styli, quasi fuco aliquo tegeret, falsitatem falsitate cumularit: Græculum enim quendam tribus obulis conductum, Bartholomaei Picerni nomine subornavit, post vero August. Secuchum Biblioshecarium suum, qui dicerent, se in Bibliotheca Papa, nescio quâ, instrumentum istud Græca Lingua conscriptum reperisse, tum aliquanto commodius in Latinum sermonem convertisse. Quod commentum Gregorius XIII. nunc nuper in recenti editione Decreti Gratiani confirmavit & fuco palliavit. Atqui leges Constantini omnes in supra dictis Codicibus Theodosiano & Iustiniano, Latina Lingua conscriptae extant: quamvis & Constantinopoli, & Græca urbe, & apud Græcos ederentur. Præterea Euseb. l. 3. de vita Constant. memoria prodidit, eum in Synodo Nicana, Latine verba fecisse. Et lib. 2. testatur, se illius Epistolae & Decreta Latine scripta in Græcum sermonem convertisse: Vnde suspicari aliquis potest, aut Græcè illum nunquam instrumentum illud scripsisse, aut si Græcè & Latine scripsit, certè non isto Boætico & stolido dicendi genere usum esse. Hac auctor Brut. Ful. Cum quo consensit D. noster Lutherus: Is enim de falsa hac & emendata Constanti. Donatione tractatum quendam emisit in lucem Vitebergæ anno 1537. quem ira indigitat ac inscribit: Wier aus den hohen Artickeln des Allerheiligsten Geisteslichen Glaubens/ genant / Donatio Constantini: in cuius Tom. 6. præfatione hac verba ponit Lutherus. Wenn Ich nicht Germ. 1e. so geneigt were/ vnd luf: hette zu thun / Was dem nens. pag. Teuffel! 486. b.

Zeuffel und seinem Bapstum verdrießlich ist/ zu vor
aus/ Wo Gottes Ehre daraus kommen kan/ so hette
ich dis Stück aus dem heiligen geistlichen Rechte nit
fürgenommen zu verdeutschen/ so gar schendlich ver
zweifelt böse Latein ist/ Aber es hat so sollen sein/
das die schentliche verzweifelte böse Lügen/ mit kei
nem andern/ deñ mit solchem schendlichen/ verzweif
elten/ bösen Latein beschrieben würde. Vnd were
auch wol billich/ das mans mit schendlichen/ ver
zweifelten bösen Deutsch verdolmetschet/ Wie
ich auch hette vielleicht können thun/ aber dieweil
uns Deutschen nütz ist zu wissen etc. *Possim, Audito
res, rationibus pluribus non minus firmioribus nullo negotio
ostendere Donationem Constantini de facto ipso plane nullam
esse, nisi temporis mihi habenda esset ratio; proinde ad poste
rius Orationis mea membrum me conversa, quo brevibus &
indice tantum digito probatum dabo atq; ostendam, Dona
tionem Constantini etiam de jure esse nullam.*

*Posito igitur in ~~verbo~~ ^{verbo} ~~etiam~~, sed in aeternum non concessa,
Constantinum M. donasse omnimodam atq; absolutam Syl
vestro Papa Iurisdictionem, quaritur jam, num hoc jus dan
di ac donandi Constantinus unquam habuerit? Equidem non
reor.*

*Etenim quoad Iurisdictionem Ecclesiasticam extra
omnem dubitationis aleam positum est, Constantium M. hanc
nunquam donare potuisse, PRIMO ob illorum regulam
longe verissimam: Nemo potest plus juris in alium transfer
re quam ipsemet habet. Et ipsum Ius Pontificium ait: Nec ali
quis dare potest quod non habet. C. Quomodo de Consecrat.
dist. 4. Quod si igitur donare principatum universalem
Constantinus potuit, certe pleno jure dominum illius princi
patus*

patum eam fuisse oportet: Atqui hoc absurdissimum esse, etiam Canonista omnes fatentur, ut seculari Princeps Spirituale principatum, id est, universalem Episcopatum in omnes Ecclesias possideat, cum ne unus quidem Ecclesia quantumvis exigue sacerdotium aut Episcopatum habeat. Quare si nullum omnino Constanti. Episcopatum habuit, quomodo universalem orbis terrarum Episcopatum donare Sylvestro potuit? Et hoc velim etiam probe observari à nonnullis Caeopoliticis, qui hodie etiam in reformatis Ecclesiis Iurisdictionem Ecclesiasticam sibi eo nomine arroganti & assignant, quia olim Principes, adhuc sub medio papatu degentes, nonnullis civitatibus potestatem indulgere in quoslibet & quosvis, unde aliqui Politici male arguantur; Ergo etiam in Clericos sive Ecclesiasticos. Scilicet, Caelum tegit omnia; E. se quos, tegit! Mirum quod illi mali Logici non ita argumententur. Princeps concessit civitati potestatem in quoslibet & quosvis, E. etiam in semetipsum. Num potuit donare Princeps illud quod nunquam habuit. Non arbitror. Sed hac obiter.

DEINDE si maxime Constanti. M. Iurisdictionem & potestatem aliquam Ecclesiasticam habuisset, tamen non habuit eam quam Pontificii jactant ac sibi assignant, videlicet absolutam & omnibus legibus plane solutam, statuendi & decernendi quidvis pro lubitu, etiam contra scripta Prophetica & Apostolica; AEque enim fuit Imperator Constanti. M. alligatus & adstrictus ad Legem & ad Testimonium, ac Dux & Imperator populi Iudaici Iosua Ios. 1, 7. Id quod ipsemet Imperator Constantinus M. aperit confessus est: Theodoretus enim lib. primo capite septimo testatur, quod Constanti. in Synodo Nica. hac verba semper

zerr à memoria digna coram omnibus Episcopis arrepto Codices S. protulerit: Evangelici & Apostolici libri, & antiquorum Prophetarum Oracula planè instruunt nos, quid de rebus divinis sentiendum sit. Proinde hostili posita discordia, ex dictis divinitus inspiratis sumamus questionum explicationes. Sed hac adeò vera sunt, ut vi veritatis adactum Cardinalis Robert. Bellarminus contra suos gregarios apertè fateri cogatur, Jurisdictionem Ecclesiasticam Roma. Pontificem Sylvestrum non habere neq; unquam habuisse à Constanti. M. Sicut enim ille l. 2. de pontifi. Roma. c. 17. Constantinus Magnus, inquit, donavit quidem palatium suum Lateran. Bellar. l. 2. nense, & multa alia temporalia summo Pontifici, ditionem de Pontif. tamen spirituales neq; dedit ullam, neq; dare potuit. Nam in eodem Canone fatetur Constantinus. B. Petrum Vicarium Christi fuisse, & idcirco successores ejus, principes, & capita totius Ecclesie haberi debere. Itaq; solum declaravit jus antiquum, & ornavit Pontificem additis multis temporalibus donis. Adde, quod Lutherani, & Calvinistæ istum Canonem supposititium esse contendunt (& verè contendunt Bellarmine) Proinde hoc tempore nulla est nobis de edicto Constantini cum hæreticis Contentio, quantum ad spirituales jurisdictionem: fatentur enim illi (& tu ipsemet Roberte fateri cogeris) non capisse à Constantino. Hactenus Bellar. Vnde velex propria confessione apparet Romanos pontifices Jurisdictionem Ecclesiasticam absolutam, à Constanti. M. nequaquam habere.

POLITICA M Jurisdictionem quod attinet, & hanc nullo modo potuisse, si maximè voluisset, donare Constantinum Papa, est apud omnes doctos notius quam ut operosa indigeat probatione: Merum quidem non est ex legibus Civilibus ostendere, quod Donatio hac è diametro pugnet cum ipsismet Constantini constitutionibus, nec est hujus loci.

Proinde

proinde hac ad J. C. Torum subsellia relego, & Iurii Candidatis
uberius deducenda relinquo. Dubio autem omni caret hoc,
neminem aliquid donare posse in præjudicium alte-
rius, id quod ipsimet etiam Canonistæ fatentur. Nam super
c. mora 25. de reg. Iur. in 6. commentantur ita: Factum cuius-
que, non alteri nocere debet. At verò ego assamo: Si Im-
perator Constanti, Iurisdictionem Politicam & maiorem
super Politicos Sylvestro donasset, certè hoc maximè nocuisset
omnibus suis successoribus; nonne enim injurius fuisset in fi-
lios proprios, quos certè maximè regni parte spoliasset, & non
solum filios proprios, sed successores ad unum omnes, de
regni solio deturbasset? quod quo jure facere potuisset, non vi-
deo. Adde, haudquaquam esse verisimile, Imperatorem sibi
ipsi voluisse præcidere caput, h. e. præcipuū imperii membrum
amputare, quæ est species fatuitatis, imò impossibile est, facere
aliquem sibi parem vel superiorem, inquit Eberhard. J. C. Tus
in Topicis, loco à verisimili. Manet proinde & in æternum
manebit ratum firmum & fixum, Constantinum M. nullo
pacto Iurisdictionem Ecclesiasticam & Politicam, vel facto
ipso donasse, vel jure donare unquam potuisse, sed esse pu-
rum putum figmentum ac veritatem Pontificiam, quicquid
Romanenses de Donat. Constant. blaterant & garrunt: ac
proinde pessimo titulo Iurisdictionem omnimodam ac abso-
lutam Pontifices sibi arrogare & usurpare, non ex indul-
genti Imperatoris Constanti. M. sed impiissimi, & sceleratissimi
Phoca parricida (qui intravit ut vulpes, regnavit ut Leo,
mortuus est ut canis.) Bonifacius enim III. quia probavit Pho-
cæ parricidium, & eum Imperatorem constituit: ideo Pho-
cæ ut esset gratus, ei principatum in Episcopos reddidit. Verum
hac largitio Phoca non magnam vim habuit, ut
alibi ostenditur.

D

Nunc

Nunc Coronidis loco hoc velim probè
notari ac ab omnibus observari, nos, quando disputa-
mus contra Iurisdictionem Pontificis Roma. non
eo disputare fine, quasi Clericis sive Ecclesiasticis omnimodam
Iurisdictionem derogatam & denegatam vellemus: sed pri-
mò ipsis denegamus Iurisdictionem Politicam, & quidem
omnem, deinde ipsis denegamus Iurisdictionem quidem Ec-
clesiasticam sed non omnem, verum absolutam illam &
omnibus legibus solutam, quam Pontifex Roma. exercere
vult & audet, etiam contra ipsa decreta divina & scripta Apo-
stolica. Etenim si Pontifex Iurisdictionem suam dirigeret
& informaret juxta normam & formam Scripturae & Con-
ciliorum legitimorum, certè litem ipsi nunquam hac de re
moveremus, nec unquam calumum contra ipsum stringere-
mus: Quia v. sibi ascribit & ad se rapit jurisdictionem &
potestatem in Ecclesiasticos, omnibus legibus divinis & legi-
timis Conciliis ac Decretis solutam, ac verbo divino contra-
riam, ideò, hoc ipsi nequaquam concedere vel possumus, vel
debemus: quippe si Iurisdictio Politica non est absoluta, sed
adstricta ad leges vel civiles vel municipales, quanto minus
erit Ecclesiastica talis. Quemadmodum verò Pontifex Rom.
& ejusdem Parasiti peccant primò, Iurisdictionem Ecclesia-
sticam absolutam sibi arrogando, deinde Politicam surripien-
do: Ita hodie peccant illi, qui ad gubernacula civitatum se-
dent, & Iurisdictionem Ecclesiasticam, nescio quo titulo
ad se rapiunt, calum terrâ miscentes. Tales sciant, se non mi-
nus sacrilegium committere rapiendo ad se Iurisdictionem Ec-
clesiasticam, quàm Pontificii furtum, Iurisdictionem Politi-
cam surripiendo, faciunt: Quare quemadmodum Politici sibi
suam Iurisdictionem nolunt surreptam, ita & alii, Ecclesia-
sticis videlicet, suam jurisdictionem intactam relinquunt, nec
salcem in messem alienam mittant, quilibet enim debet in ea
manere